



UNIVERSITÄTS-
BIBLIOTHEK
PADERBORN

Universitätsbibliothek Paderborn

Cura Salvts, Sivæ De Statu Vitæ Mature ac Prudenter Deliberandi Methodus

Hevenesi, Gábor

Coloniae, 1716

VD18 13912755

Monita. Pro deliberaturo de vitæ statu.

[urn:nbn:de:hbz:466:1-50144](https://nbn-resolving.org/urn:nbn:de:hbz:466:1-50144)

MONITA.

Pro deliberaturo de vitæ statu.

1. **C**Um deliberandum sit diu, quod statuendum est, semel, pro hac deliberatione sanctius & utilius facienda proponitur usitata per decem dies veneris devotio; quod tempus nec pro re tanti momenti rite ponderanda nimis longum videri debet, nec adeo breve est, quin satis matura sequi possit deliberatio.

2. Et quia DEUS est, qui operatur omnia in omnibus, dividens singulis prout vult. 1. Cor. 12. honori S. Spiritus, quinos docebit omnia, offeretur proesens devotio; cujus gratia toto hujus deliberationis tempore frequenter æquè ac ferventer erit petenda.

3. In subsidium hujus gratiæ impetrandæ primum potentissima sanctissimæ Virginis; quæ ut Salvatoris, ita & salutis nostræ, ac Boni Consilii, Mater est; deinde SS. Ignatii & Xaverii: qui pro animæ nostræ salute plurimum zelant, quique plurimis deliberantibus auxilio fuerunt, intercessio implorabitur.

4. Quia verò *in malevolam animam non introibit spiritus sapientiae, nec habitabit in corpore subdito peccatis*, ad puritatem conscientiae conservandam singulis diebus veneris instituetur Confessio & Sacra Communio; utraque plurimum proderit ad augmentum gratiae divinae, ac superni luminis, pro quo agimus, impetrationem. Quod si autem dies veneris vel ob occupationes alias impedita foret, vel hac die non ita ferventer sanctissima haec Sacramenta frequentari possent, fas erit ex arbitrio Confessarii alium diem designare, v. g. diem Dominicum, quo fortè plus otii suppetet ad devotionem diligentius peragendam.

5. Diebus Sacrae Communionis totidem considerationes assumendae erunt, quae deliberanti suggerent materiam, circa quam versari debet deliberatio. Determinandum proinde tempus aliquod, ab aliis occupationibus vacuum, in quo consideratio pro illa die proposita recollecta mente legatur, & ruminetur. Nec dubitandum est, quin DEUS, quem eadem die deliberans sumpsit, sit ei ad cor locuturus, suamque, quis eligendus sit vitae status, voluntatem significaturus.

6. Sub

6. Sub his considerationibus, uti & aliis durante hac deliberatione temporibus, diligenter attendendum erit deliberanti, quò ejus animus plus & frequentius ferri videbitur; aut quæ rationes pro hoc v. g. statu vel contra occurrerint; quas pro certiori dein conclusione & determinatione facienda consultum est scriptò, prout inciderint, adnotare; tum ut omnibus rationibus simul collectis demum easdem cum animæ suæ arbitro conferre, ac ex ejus consilio se certius determinare possit.

Quantò major gratia est, divinæ voluntatis, & viæ illius agnitio, per quam DEUS unumquemque salvare decrevit, tantò laborandum erit magis per plura bona opera hunc DEI favorem conari impetrare. Quæ autem & qualia suscipienda cuivis in particulari sint, ejus fervori, ac Confessarii directioni committo. Illud omnibus commune esse debet, ut opera ordinaria, & aliàs consueta pietatis officia, preces matutinæ & vespertinæ, cum examine tam generali, quàm particulari, auditio Missæ, Corollæ Marianæ, aliarum orationum recitatio, libri spiritualis lectio, cultus SS. Patronorum, usitatæque

mortificationes non solum non omit-
tantur, sed fiant cum omni diligentia
in Domino.

ORATIO

*Pro eligendo vitæ statu, singulis die-
bus S. Communionis, vel quotidie
iteranda.*

OMnipotens æterne DEUS! qui me
ad imaginem & similitudinem
tuam ex nihilo condidisti, ut te reve-
rear, laudem, tibi que in eo vitæ statu
serviam, in quo certò salvus fiam; da mi-
hi sedium tuarum assistricem sapientiam, mit-
te illam de sedibus sanctis tuis, & à sede mag-
nitudinis tuæ, ut mecum sit, & mecum laboret,
ut sciam, quid acceptum sit ante te. Scit enim
illa omnia, & intelligit, & deducet me in operi-
bus meis sobriè. Quis enim hominum poterit
scire consilium DEI? aut quis poterit cogitare,
quid velit DEUS? cogitationes enim morta-
lium timida, & incerta providentiæ nostræ.
Difficile æstimamus, quæ in terra sunt: & quæ
in prospectu sunt, invenimus cum labore. Quæ
autem in cœlis sunt, quis investigabit? sensum
autem tuum quis sciet? nisi tu dederis sa-
pientiam, & miseris Spiritum Sanctum tuum
de altissimis: & sic correctæ sint semitæ eorum,
qui